

9-D17-Sy الله يساعدي عليها

أ - شو؟ خير؟ لوين رايحة؟

ب - رايحين أنا وسلمى نتغدى بالمطعم. بعدين رح اروح عالمول
نعمل شوية شويينغ.

أ - ايه؟ وأنا؟

ب - إنت شو؟ إنت قاعد بالبيت عم تقرأ جريدتك وتشرب قهوتك
وتشتغل. دائماً بتقللي إنك مشغول وما عندك وقت تطلع معي. فأحسن
شي إني اطلع مع رفقاتي.

أ - يا سلام! وأيمتى رح ترجعي؟

ب - بعد الظهر. حوالي الساعة أربعة، أربعة ونص، هيك شي.

أ - وإينك مروان؟

ب - مروان راح عالنادي هو ورفقاته، يلعبوا فوتبول، وما رح يرجع قبل
المسا.

أ - والغدا؟

ب - إذا جعت في أكل من مبارح وفي مايكروايف.

أ - يعني أنا رح أكون لحالي بالبيت كل اليوم؟

ب - إيه حبيبي. منشان تعرف تشتغل منيح. يلا، بدك شي؟

أ - لاء، سلامتِك.

ب - باي.

أ - اااه! والله ما بعرف كيف بدي عيش مع هالمرة. ما بعرف شو بدي
أعمل معها. إذا ما اشتغلت كثير بتقللي حبيبي، بدنا مصاري. وإذا
اشتغلت كثير بتقللي ما معك وقت تطلع معي. الله يساعدني عليها.